

Bjarnefeest *(Elen Hanne Andresen, Elise Heitmann, Ipke Lorenzen, Marie Vriesema)*

Nü hääwe we bjarnefeest önjt schöl
ma bloosmusiik än doons.

Da kiningskrööne glanre jüst as gölj,
än limonood as bjarnepunns.

Fiidelda, fiideldai,
wat san we bjarne diling glai!

For et unern wjarn we aw e feen
än houfen aw e put.

Da dringe stäken döör e ring,
wat häi di Fiite deer for luk.

Fiidelda, fiideldai,
wat san we bjarne diling glai!

Ik ban deerbai ai kining wörden,
ouers ban duch ünferknüt.

Dåt spaalen as di grutste spoos,
dåt häi ik glik herüt.

Fiidelda, fiideldai,
wat san we bjarne diling glai!

(In: Andresen, Elen Hanne et al. 1966. *Frasch Leesebök 1*. Bräist (Bredstedt) (u. a.): Nordfriisk Instituut (u. a.). S. 34.)